

তাল উৎসবে মজল নাগরিক কলকাতা

খোঁজখবর, অর্পিতা লাহিড়ী, August 26, 2018



তিল থেকে তাল নয় বরং বলা ভাল তাল কে ঘিরে শহরে অনুষ্ঠিত হল আস্ত একটা উৎসব। ইলিশ কে ঘিরে যদি উন্মাদনার বান ডাকে,

অলিতে – গলিতে হতে পারে ইলিশ উৎসব তবে তাল কেন ব্রাত্য থাকবে? তাই ডেভলপমেন্ট রিসার্চ কমিউনিকেশন এন্ড সার্ভিস (ডি আর সি এস সি) ২৫ এবং ২৬ আগস্ট আয়োজন করেছিল তাল উৎসবের।



সংস্কার পক্ষে সূজিত মিত্র জানালেন কলকাতায় এই প্রথম তাঁরা এই উৎসবের আয়োজন করলেন। প্রথম বছরের হিসাবে যথেষ্ট ভালো সাড়া পেয়েছেন তাঁরা। বাঁকুড়াতে হয়েছিল এই উৎসবের সূচনা। হরেক किसিমের তালের পদ ছিল এই দুদিনের উৎসবে। তালের বড়া, তাল মিছরি, তালস্বত্ত, তালচিনি, তালক্যান্ডি, সহ হরেক किसিমের রসনা তৃপ্তির সুযোগ ছিল তালকে কেন্দ্র করে। পাশাপাশি বিভিন্ন স্টলে বিক্রি হয়েছে কাঁচা তালও।



বাংলা সাহিত্যেও রবীন্দ্রনাথ ঠাকুর থেকে শুরু করে বিভূতিভূষণ বন্দ্যোপাধ্যায়ের লেখনিতে ফিরে এসছে তালের অনুষ্ণ। শিশুপাঠ্য কবিতার মধ্যে দিয়েই সেই শৈশবে সবগাছ ছাড়িয়ে যে তাল গাছ দাঁড়িয়ে থাকে তাকে চিনতে শেখা। কুড়িয়ে পাওয়া তাল ধনীর গৃহে পৌঁছে দিতে পারলে জুটে যেতে

পারে তালনবমীর নিমন্ত্রণ। দুজন বালক গোপাল আর ছোট্টর এই টানাপোড়েনে পাঠকেরও চোখের কোল ভিজে যায়।



তবে এই স্মার্ট যুগে এসে কখন যেন জীবন থেকে হারিয়ে গিয়েছে তালের বড়া, বা তাল পাটালির স্বাদ। এই উৎসব যেন সেই স্বাদ নতুন করে ফিরিয়ে দিল। উৎসব ফেরত তৃপ্ত দর্শনার্থীদের প্রতিক্রিয়া জানান দিল উৎসবের স্বার্থকতা।